

Teks Ucapan Aluan 2

**Yang Berbahagia
Profesor Datuk Dr. Hjh. Roziah Mohd Janor
Naib Canselor UiTM**

Diwakili oleh ;
Timbalan Naib Canselor Akademik Dan Antarabangsa

Sempena

**Siri Syarahan Profesor Tersohor
(*Eminent Professors Lecture Series – EPLS*) Dan
Siri Perbincangan Cakna Penyelidikan UiTM 2023**

Sesi Syarahan Profesor Tersohor Oleh:

**YBhg. Prof. Emerita Datuk Dr. Asma Ismail
Pemegang Kerusi Profesor Ibnu Sina Bagi Perubatan,
Universiti Islam Antarabangsa (UIA), Mantan
Presiden Akademi Sains Malaysia)**

20 Mac 2023 | Isnin | 8.30 Pagi

بِسْمِ اللَّهِ الرَّحْمَنِ الرَّحِيمِ

Terima kasih Yang Berusaha Pengerusi Majlis.

YBhg. Profesor Emerita Datuk Dr. Asma Ismail

Pemegang Kerusi Profesor Ibnu Sina bagi Perubatan,
Universiti Islam Antarabangsa dan;

Mantan Presiden Akademi Sains Malaysia

YBhg. Profesor Dr. Ahmad Sazali Hamzah

Pengerusi Majlis Profesor UiTM

YBhg. Profesor Ts. Dr. Mohamad Rusop Mahmood

Pengerusi Jawatankuasa Penyelidikan dan Penerbitan,
Majlis Profesor UiTM

YBhg. Profesor Dr. Nor Ashikin Mohamed Noor Khan

Pengerusi Siri Syarahan Profesor Tersohor

(*Eminent Professors Lecture Series – EPLS*) dan
Siri Perbincangan Cakna Penyelidikan UiTM 2023)

YBhg. Profesor Dr. Ayub Md. Som

Timbalan Pengerusi Jawatankuasa Penyelidikan dan
Penerbitan, Majlis Profesor UiTM

Serta Para Profesor dan hadirin sekalian.

[Salutasi- kemaskini berdasarkan kehadiran]

**Assalamualaikum Warahmatullahi Wabarakatuh, dan
Salam Sejahtera.**

1. Alhamdulillah, syukur ke hadrat Allah SWT kerana dengan izin dan limpah kurnia-Nya, kita dapat berada di sini pada hari ini.

2. Pertama sekali, saya ingin mengambil kesempatan ini untuk mengucapkan jutaan terima kasih kepada tetamu kehormat kita, YBhg. Profesor Emerita Datuk Dr. Asma Ismail di atas kesudian untuk berkongsi pengalaman dan kepakaran dalam Program Syarahan Profesor Tersohor ini.

3. Seterusnya, saya ingin menyampaikan salam hormat daripada YBhg. Profesor Datuk Dr. Hajah Roziah Mohd Janor, Naib Canselor UiTM yang tidak dapat bersama dalam program ini. Sama-sama kita doakan semoga Allah SWT mengurniakan kesihatan yang baik kesembuhan kepada YBhg. Prof. Datuk.

Hadirin yang saya hormati sekalian.

Melalui Jawatankuasa Penyelidikan dan Penerbitan, Program Syarahan Profesor Tersohor dijalankan selama tiga hari, bermula pada 19 hingga 21 Mac 2023 dengan tema “Kecemerlangan Ekosistem Penyelidikan dan Penerbitan dalam Pendidikan Tinggi: Ke arah Universiti Terkenal di Peringkat Global” (Excellence in the Research and Publication Ecosystem of Higher Education: Towards a Globally Renowned University).

4. Program Syarahan Profesor Tersohor merupakan anjuran Jawatankuasa Penyelidikan dan Penerbitan, UiTM dan Institut Kepimpinan dan Pembangunan, bertujuan sebagai wadah dan forum pemikiran bagi membincangkan isu dan cabaran dalam memacu agenda penyelidikan di UiTM agar seiring dengan matlamat negara dan dunia.

5. Seperti mana yang kita ketahui, UiTM menyasarkan untuk menjadi sebuah universiti terkemuka dunia. Agenda penyelidikan merupakan salah satu tunjang utama yang diyakini berupaya merealisasikan matlamat tersebut.

6. Ia selaras dengan teras strategik kedua dalam Pelan Strategik UiTM 2025 yang menekankan kepada “kecemerlangan global”, yang mana tumpuan diberikan kepada penyelidikan translasi yang berimpak tinggi serta berupaya memberi sumbangan secara langsung kepada masyarakat, negara dan dunia.

7. Dalam usaha ini, UiTM menggalakkan kerjasama penyelidikan bersama rakan pintar daripada universiti lain sama ada dari dalam atau luar negara, pihak kerajaan mahupun industri. Perkembangan yang berlaku perlu seiring dengan perubahan teknologi yang menekankan kepada pembangunan yang mampan. Sehingga kini, UiTM telah berjaya mengimarahkan perkembangan ilmu melalui penerbitan serta reka cipta inovasi baharu serta inovasi sosial.

8. UiTM juga memberikan penekanan kepada pemantapan Pusat Kecemerlangan (*Centre of Excellence - CoE*) untuk dinaik taraf kepada Pusat Kecemerlangan Tertinggi (*Higher Institution Centres of Excellence – HICoE*). Penumpuan diberikan kepada penyelidikan intensif bersama pusat-pusat penyelidikan antarabangsa melalui usaha sama pintar, kolaborasi dan jaringan. Usaha ini berupaya melahirkan penyelidik terkemuka serta pembangunan bakat baharu.

9. Walau bagaimanapun, tidak dapat dinafikan bahawa cabaran dunia pada masa kini yang sukar diramal, memerlukan para penyelidik untuk berusaha dengan lebih giat agar UiTM berupaya kekal relevan dan berdaya saing.

Hadirin yang saya hormati sekalian.

10. Sebentar lagi, kita akan mendengar sesi Syarahan Profesor Tersohor yang akan disampaikan oleh YBhg. Profesor Emerita Datuk Dr. Asma Ismail yang bertajuk “Memupuk penumpuan budaya penyelidikan: peluang dan cabaran” (*Fostering the Convergence of Research Culture: Opportunities and Challenges*).

11. Saya yakin, kita akan memperolehi manfaat yang besar melalui perkongsian ini. Semoga warga UiTM akan lebih bersemangat untuk terus melonjakkan agenda penyelidikan universiti seiring dengan acuan MADANI yang menjadi hala tuju negara pada masa kini.

12. Akhir kata, saya merakamkan jutaan terima kasih kepada semua pihak yang terlibat dalam menjayakan

Program Syarahan Profesor Tersohor dan Siri Perbincangan Cakna Penyelidikan UiTM 2023 khususnya Jawatankuasa Penyelidikan dan Penerbitan, Majlis Profesor UiTM, serta Institut Kepimpinan dan Pembangunan. Terima kasih dan selamat maju jaya. Assalamualaikum.